



Nunarsuaq Tamakkerlugu Atuarneq 2022 – Atuartitsinissamut ilitsersuut

Meeqqat nunarsuarmi susoqarnerisq ilisimassavaat. Nunarsuarmioqataasutut akuulluarniaraanni nunat allat aamma nunat tamat kulturii aammalu inuiaqatigiinnermik paasinnittaasiat pillugit ilisimasaqarnissaq pingaaruteqarpoq. Atuartut nunarsuaq inuuffigisartik pillugu paasisaqarnerunissaannut 'Nunarsuaq Tamakkerlugu Atuarneq'-rup atornissaa tulluurtuuvog.

AtuaRaketip nunarsuarmi unamminartut annersaasa ilai nunat tamalaat anguniagaat sinaakkusiullugit ukkatarai. Nunani allani meeraaneq atuakkami oqaluttuatigut paasisaqarfigineqarsinnaavoq nunarsuarmilu ajornartorsiutinut tunngasunik sammisaqarnissamut aallaavissaqqilluni.

Ukioq manna AtuaRaket meeqqat Boliviamiut pillugit imaqarpoq. Atuakkami meeqqat arfinillit tusagaqarfigissavasi: Carlito sunngiffimmini paranøddenik katersisartog aamma Liseth pinngortitap qanoq paarilluarneqarnissaanik oqaluttuatoq. Qatsissumi narsami Delia Carlosilu najugaqarput, taakku silap pissusiata allanngornerani naatitsiniarnerup ajornarnerulerneranik atugaat allanngorput. Jorge Luis Amazonasip kuuini piratfiskinik aalisartartoq. Kiisalu Luis Alfredo Riberaltami – Amazonasimi illoqarfiit anginerit ilaanni najugaqartoq. Taakku tamarmik ulluinnarni inuunertik oqaluttuarissa-vaat. Meeqqat piffinni assigiinngitsuni atugassaritaasunilu assigiinngitsuni atugaqartut tusagaqarfigissavagut.

Malugiuk suliassat nittartakkami innersuunneqartut qallunaatut allagaammata, kalaallisuunngortitat tassaapput:

- "Naatsukullaliat suliassartai" qallunaatuua ("Opgaver til skønlitterære historier og myter") ilaavoq taallugu: Ilanngussaq 1
- "Opgaver til LæreRakettens børn – mellemtrin" / "AtuaRaketimi meeqqat allaatigineqartut pillugit suliassat – akulliit" ilaavoq taallugu: Ilanngussaq 2
- "Opgaver til LæreRakettens børn – mellemtrin"-imi "Lav en præsentation af Jorge Luis – model af en folder til præsentation af person"-imi "AtuaRaketimi meeqqat allaatigineqartut pillugit suliassat" Jorge Luisimik/inummik ilisarititsineri pappiara peqitillug matusartuliornermi issuagassaq ilaavoq taallugu: Ilanngussaq 3
- Atuakkamik saqqummersumik naliliineri pappiara peqitillugu matusartuliornermi issuagassaq "Model af folder til boganmeldelse" ilaavoq taallugu: Ilanngussaq 4.

'Nunarsuaq Tamakkerlugu Atuarneq' / Hele Verden i Skole atorneratigut atuartuutivit:

- Boliviami meeqqat ilikkagaqarfigisinnaavaat
- Atuarnerup nuannissusaa misigisaqarfigisinnaavaat
- Meeqqat nunani allaniittut kinaassusersinnaavaat
- Meeqqat piginnaatitaaffii pillugit ilisimasaqalersinnaapput



- Nunarsuaq aamma kulturit allat pillugit ilisimasatik annertusarsinnaavaat
- Taaguutit: nunarsuarmioqataaneq, naligiinnginneq, piginnaatitaaffiit aamma eqqissineq eqqarsaatersorfigisinnaavaat
- Nunat tamalaat anguniagaat (FN-ip) 17-it pillugit ilinniarsinnaapput

AtuaRaket 2022

Oxfam IBISip meeqqat tamarmik atuarfimmi pitsaasumi atuarnissamik periarfissaqarnissaat sulissutigaa. Taamaaliornikkut angorusunneqarmat kikkut tamarmik imminnut, ilaquttaminnut nunaminnullu pitsaasumik siunissamik pilersitsinissaat.

‘Nunarsuaq Tamakkerlugu Atuarneq/Hele Verden i Skole’ ukioq manna – nunarsuarmi allatulli – corunamik ajornartooqqanermi eqqugaaqqipput. Nammineerluta Bolivialiarnissatsinnut periarfissaqarsimannginnatta assiliisartoq tusagassiorloru Amerika Kujallermi najugaqartut –meeqqat AtuaRaketimiittut pulaarpaat. Pulaarnerisigut meeqqat tallimat atuakkami allaaserineqarput. Oxfam IBISip ukioq manna atuagaq atortussallu kisimiilluni saqqummersippai.

Taamaammat ukioq manna assorsuaq nuannaarutigaaqartut atuartut 100.000-t sinnillit Danmarkimit, Kalaallit Nunaanit Sydslesvigimillu peqaataassammata. Neriuppugut atuartitsissutigliagut aamma AtuaRaketimi oqaluttuarineqartut nunarsuarmik paasisaqarnerulertitsissasut.

Nittartakkap sannaa – nittartakkamiittoq ‘TIL ELEVEN’

Nittartakkap fane’ata ‘TIL ELEVEN’-ip ataaniipput sammisat qulingiluat. Tassaniipput allaatigisat, assit filmillu naatsut. Atuartut sammisat ataasiakkaat misissuiffigisinnaavaat aamma Bolivia tassanilu meeraalluni qanoq innersoq ilisimasaqarfiginerulerlugu. Nittartakkami allatat allanneri akullernut naleqqussagaapput uaniillutillu: <http://www.heleverdeniskole.dk/til-eleven/>

Tassani atuartut meeqqat ukioqatitik nunani allaniittut qanillillugillusooq pissavaat.

Meeqqat AtuaRaketimiittut

Sammisami siullermi Boliviami meeqqat/BOLIVIAS BØRN-imi meeqqamut AtuaRaketimi allaaserineqartumut toqqaannaq atassuserneqarpoq. Tassani atuartut nunami allami meeqqat ukioqatitik paasisaqarfiginerusinnaavaat. Filmit naatsut, assit oqaluttuallu atuaqatigiinni oqaloqatigiinnernut oqallinnernullu aallaaviusinnaapput. Taamaalilluni sammisaq aqutigalugu atuartut namminneq ulluinnarni atukkatik ‘isit allat atorlugit’ isiginialersinnaavaat nunanilu allani meeqqat inuunerannut paasininnerulerlutik. Sammisanut attaveqaatit assigiinngitsut atornerisigut siunertaavoq atuartut Boliviami pissutsinut qaninnerusutut misigisimanissaat.

Suliassatut siunnersuusiaqarpoq AtuaRaketimi aamma nittartakkami meeqqanut oqaluttuarineqartunut attuumassuteqartunik. Suliassat faginut immikkoortiterlugit suliaangillat, meeqqanulli ataasiakkaanut tunngatinneqarlutik. Suliassat nukarlernut akullernullu avitaapput kalaallisuu ilaapput **Ilanngusaaq 2** uanilu qallunaatuui nassaarineqarsinnaallutik: <https://heleverdeniskole.dk/til-laereren/bolivia/laerervejledning-og-opgaver-2022/>



Nunarsuaq Tamakkerlugu Atuarneq 2022/Hele Verden i Skole 2022-mi sammisat

Ukioq manna sammisanut atatillugu atuartitsinermi atorneqarsinnaasut arlallit assigiinngitsut nittartakkamiipput. Taakkunani atuartut Boliviap oqaluttuassartaa, Inuit kulturilu, Boliviami atuarfeqarneq, Ulluinnaat upperisarlul, Pinngortitaq klimalu, Boliviami uumasut, Malugissutsit tamaasa atorlugit Bolivia aamma nunat anguniagaat pillugit ilinniarsinnaapput. Atuartut sammisat atorlugit AtuaRaketimi Bolivia pillugu paasisatik annertusassavaat aamma sammisani meeqqat allaatigineqarsimasut ilanngussuunneqallattaasarpur. Linkikkut toqqaannartumik atuartitsinissamut atortussaqaq iserfigisinnaavat: <https://heleverdeniskole.dk/til-eleven/>

Nunat anguniagaat 17-it

Boliviamik sammisaqarneq aamma nunat tamalaat anguniagaannik itinerusumik sammisaqarnermut atassusersinnaavarsi. Nunarsuaq Tamakkerlugu Atuarneq (Hele Verden i Skole) nunat tamalaat anguniagaat pillugit atuartitsinissamut atortunik peqarpoq (qallunaatuut). Taakku atortut nittartakkami immikkut isertarfeqarput AtuaRaketimilu sammisaqarnermut atatillugu atorluarneqarsinnaallutik: <https://heleverdeniskole.dk/verdensmaalene>

Boliviap ilisaritinnera

Nittartakkap "Til læreren"-iata ataaniippoq PowerPoint atorlugu Boliviap ilisaritinnera aamma manuskripti tassunga atasooq. Ilisarititsineq manuskriptilu ilaasooq nuna pillugu suliaqarnermi ilisarititsissutitut atorneqarsinnaavoq, atuartitsinermut sivikinnerusumut sivilunerusumilluunniit sammisamik ingerlatsiniaraanni atorneqarsinnaasooq:

<https://heleverdeniskole.dk/til-laereren/bolivia/praesentation-2022/>

LæseRaketten aamma AtuaRaket onlinemi aamma app'itut

LæseRaketten aamma AtuaRaket 2022 nittartakkamiipput. Nittartagaq filminik, assinik linkinullu attuumassuteqartunut innersuussanik imaqarpoq. LæseRaketten AtuaRaketilu app'itut aaneqarsinnaapput. App-i App Store-mi google Play-imiluunniit nassaarisinnaavat. Aamma LæseRaketten interaktiviusooq browserimit takuneqarsinnaavoq – computerikkut allamiilluunniit uani:

<https://heleverdeniskole.dk/til-laereren/bolivia/laeseraketten-2022-online-og-app/>

Meeqqat LæseRakettenimiittut aamma AtuaRaketimiittut pillugit suliassat

LæseRakettenimi AtuaRaketimilu meeqqat allaaserineqartut pillugit suliassat arlaqarput. Suliassat faginut immikkoortitigaanngillat meeqqanulli ataasiakkaanut atassuteqarlutik. Suliassat kalaallisoortai ilanngunneqarput taallugit **Ilanngussaq 3**, qallunaatoortai uaniipput: <https://heleverdeniskole.dk/til-laereren/bolivia/laerervejledning-og-opgaver-2022/>

Bolivia pillugu sammineqartunut Jeopardy-quiz

Atuartut nittartakkami sammineqartut atuareerpassuk suliarereerlugillu atuaqatigiinni quizersinnaavusi. Quizzi akullernut naatsorsuussaavoq nittartakkamilu sammineqartut tallimat aallaavigalugit suliaallutik: Boliviami uumasut, Inuit kulturilu, Boliviami atuarfik, Ulluinnaat upperisarlul aamma Pinngortitaq klimalu.



Quizzi computerinnut downloadersinnaavat – PowerPointikkut ammarneqassaaq. Ilimanarpoq allaqqasoqassasoq fili "makroer"-nik imaqartoq. Taanna akueriinnassavat, taamaangippat quizzi iluatsinnaviangilaq. Quizzen Windows-imi suliaavoq imaassinnaavorlu Apple-computerimi saqqummenera allaanerusoq. Quizzi ilitsersuullu uani aaneqarsinnaapput:

<https://heleverdeniskole.dk/til-laereren/bolivia/laerervejledning-og-opgaver-2022/>

Sammisat ingerlanneri

Sammisat ingerlannissaannut siunnersuuteqarpoq marlunnik AtuaRaketimut nittartakkamilu atortunut atassuteqartut. Sammisat sapaatip-akunnera ilivitsoq ingerlanneqarsinnaapput, imaluunniit illit sammisaqarnissamut ilaannai toqqartorsinnaavatit:

- **NUKARLIIT: Bolivia angallavigalugu**

Uani sammisap ingerlanerani atuartut Boliviami angalaqataassapput. Boliviami meeqqat ilikkarnissaannut nunamilu pinngortitaq kulturilu ilikkagaqarfigissavaat. Sullivinni assigiinngitsuni suliaqarnissamut siunnersuuteqarpoq assassorluni fagimut atasunik imalinnut. Sammisaqarneq naggaserneqarsinnaavoq karnevalernermik, tassani atuartut ilaquuttatik atuaqatigiilluunniit allat ingerlaarnissamut sammisallu ingerlannerani sulerisimanerminnik takutitsinnerminnut aggersarsinnaavaat.

- **AKULLIIT: Boliviami kiattup orpippassuinukarneq**

AtuaRaket 2022-mi klima sammineqarpoq. Sammisami uani Boliviami kiattup orpippassuaqarfittaanukaqatigissavaasi. Atuartut kiattup orpippassuini inuuneq aamma meeqqat ilaqtariillu tamaani najugallit pillugit ilikkagaqassapput. Saniatigullu kiattup orpippassuini uumasut naasullu aamma naasut orpippassuillu qanoq nunarsuarmi klimamut qanoq sunniuteqarnerat paasisaqarfigissavaat. Sammisap ingerlannerata ilaa aamma misileraanernik ilaqarpoq.

Sammisat ingerlatassat uani nassaarisinnaavatit:

<https://heleverdeniskole.dk/til-laereren/bolivia/temaforloeb-om-bolivia-2022/>

Bolivia – malugissutsit tamaasa atorlugit

Nittartakkap TIL ELEVEN-iani suliaasat sammisaqarnissamullu isumassarsiorfiusinnaasut, fagit mernguernartut ilannguttarlugit, fagit akimorlugit sammineqarsinnaasut nassaarineqarsinnaapput. Imaaliorsinnaavusi:

- Boliviami qteriaatsinik assigiinngitsunik ilinniarneq:

<https://heleverdeniskole.dk/til-eleven/bolivia/dans-med-bolivia/>

- Boliviami qangaanerusoq ullutsinnilu nipilersuutinik tusarnaarneq:

<https://heleverdeniskole.dk/til-eleven/bolivia/lyt-til-bolivia/>



- Nammineq panfløjtemik qarlortaatiliornermik ilinniarneq
<https://heleverdeniskole.dk/til-eleven/bolivia/lav-din-egen-panfloejte/>
- Tæppet meqqullu atorlugit aqerluusaasiviliornermik ilinniarneq
<https://heleverdeniskole.dk/til-eleven/bolivia/vi-bruger-uld-fra-lama-og-alpaka/>
- Karnevalernissamut kiinarpaliornermut ilinniarneq
<https://heleverdeniskole.dk/til-eleven/bolivia/maske-til-la-diablada/>
- Quinoat atorlugit pannakaaliornermut, naatsiiianik suppiliornermut, salteñas aamma cuñapéliornermik ilinniarneq
<https://heleverdeniskole.dk/til-eleven/bolivia/lav-mad-fra-bolivia/>

Assit filmillu atoriaannaat

Nittartakkamiipput assit suliasinnut atoriaannaat.

SkoleTube-mi ressourcekanalilortoqarsimavoq assinik filminillu imalik atuartut ajornanngitsumik aasinnaasaannik suliaminnullu toqqaannartumik atorsinnaasaannik. SkoleTube-mi atortut aqqutigalugit atuartut assit filmillu ressourcekanalimiittut toqqaannaq iserfigisinnaavaat.

Nittartakkami kanalimut qanoq ilanngussinnaanersutit ilitersuuteqarpoq, uani:

<https://heleverdeniskole.dk/bibliotek/verden/foto-og-film-til-fri-brug-2021/>

SkoleTube-mi filmiliorneq

SkoleTube-mi meeqqat allaatigineqartut pillugir videot nassaarisinnaavasi. Tassaniittut videot atorsinnaavasi meeqqat AtuaRaketimiittut pillugit videoliulerussi. Aamma nittartakkami WeVideo iluaqutigalugu qanoq suliaqarsinnaanissinnut ilitersuuteqarpoq, uani:

<https://heleverdeniskole.dk/til-laereren/bolivia/laeseraketten-i-skoletube-2022/>

AtuaRaketimi naatsukullalianut oqaluttuatoqqatullu allatat suliasartaat

AtuaRaketip naatsukullaliartai oqaluttuatoqartaalu nukarlernut akullernullu suliasartaqarput.

Oqaluttuavianut suliasaqarpoq, aammali suliasat nunat tamat anguniagaannut naleqqussakkat AtuaRaketip imarisaanut tamarmut attuumassuteqartut.

Suliasat kalaallisoortai ilaapput taallugit **Ilanngussaq 1**, qallunaatoortai nittartakkami uani allersaallutik nassaassaapput:

<https://heleverdeniskole.dk/til-laereren/bolivia/laerervejledning-og-opgaver-2022/>



AtuaRaket 2022-mi oqaluttualiat naatsukullaliat

Mette Vedsø: ORPIIT PIKITITSINERAT

Oqaluttuaq nukappiaqqamik Qisunnguamk atilimmik ikinngumminit Pilumik ikiorteqarluni nerrivimmik oqalussinnaasumik kiattup orpipassuinut uterniartumik ikiunerannik imaqarpoq. Qisunnguup Pilullu kiattup orpipassui qanoq amerlatigisut killorneqartarnerannik paasisaqarput. Oqaluttuap imarisaanut attuumassuteqarput nunat anguniagaat 13 – Silap pissusianut suliniuteqarneq aamma nunat anguniagaat 12 – Akisussaassuseqartumik atuineq tunisassiornerlu.

Søren Jessen: SUNA TAMARMI SIORAANNANGORMAT

Uani oqaluttuaq Oliverip illoqarfianut sioqqat pinerisa kingorna pivoq. Suut tamarmik morsussimapput aserorsimallutillu. Imeq pissamaataavoq nalitooq inuillu kiammit qimaallutik avannamut qimarrapput. Oqaluttuami sioqqat takkutinngikkallarnerani pissutsit oqaluttuap qiteqqunneraniipput – ajornartoorutip takkutinnginnerani meeqqat ulluinnarni inuunerat nalinginnaasooq oqaluttuarineqarluni. Oqaluttuap imarisaanut attuumassuteqarput nunat anguniagaat 1 – Piitsuussuseq nungutillugu, nunat anguniagaat 6 – Minguitsumik imeqarneq sukuluisaarnerlu aamma nunat anguniagaat 13 Silap pissusianut suliniuteqarneq.

Lisethimut Luis Alfredomullu AtuaRaketimiittunut allanneq

Ukioq manna atuartut postkortinik titartakkanilluunniit Lisethimut Luis Alfredomullu Boliviamut nassiussisinnapput. Pitsaassaaq atuartut tuluttut allakkusussappata. Aamma nittartakkami ark'it spaniamiut oqaasiinik ataasiakkaanik imalik – taava Lisethip Luis Alfredollu allakkat namminneq atuarsinnaassavaat: <https://heleverdeniskole.dk/send-post-til-laeserakettens-boern>

Allakkat Oxfam IBISip tigoreersimassavai 1. juni 2022, uunga nassiutissapput:

Oxfam IBIS

Vesterbrogade 2B

1620 København V.

Att: Hele Verden i Skole

Sapaatip-akunnera sunniinarfiusoq peqataaffigisiuk – isummat tusartiguk

2022-mi Ulloq sunniinarfik ingerlateqqilerparput/Aktionsdag – aatsaallu taama pingaaruteqartigaag. Ukiut arfineq-pingasuinnaangorput 2030-mi nunat anguniagaasa 17-it angoreersimanissaannut. Aamma nunat anguniagaata 4-p meqqat tamarmik atuarfimmi pitsaasumi atuartuunissamik pisinnaatitaaffeqarnerannut tunngasoq. Piffissaq sukkaqaag – ukiut arfineq-pingasut ingerlapallassapput. Meeqqat sinneruttut 59 millionit atuartunngortissavagut aamma ilinniartitsisussanik amerlanerusunik ilinniartitsisoqassaaq. Taamaattumik Ulloq sunniinarfik ingerlatissavarput/Aktionsdageqassaaqut sap ak 17-imi – marlunngorneq ulloq 26. april. Ukiut 19-it ingerlatiinnarlugit atuartut Ulloq sunniinarfik/Aktionsdag Oxfam IBIS peqatigalugu



ingerlattarparput. Erinarsorlutik, qitillutik, oqalugiarlutik kortinullu allallutik politikerit oqariartorfigisarpaat meeqqat tamarmik atuarnissamik pitsaasumillu atuartinneqarnissamik piginnaatitaaffeqarnerannik. Iluaqutaanikuuvoq. Ullumi nunarsuarmi meeqqat 10-ugaangata 9-t atuartuusarput. Kisianni nunat amerlasuut sulii coronamik ajornartooqapput tamaattumillu sulii annertunerusumik ikiorneqarnissamik pisariaqartitsillutik.


Peqataaniarisi:

Ullormi sunniiniarfiusumi/Aktionsdagimi programmi ingerlaavartumik siammarterneqartartussa q maliginaavigisinnaavarsi – aamma ilinniartitsisut nyhedsbrevet aqqutigalugu paasissutissani pisassapput. Maannakkumuugallartoq pisussat imaapput:

- Ulloq: marlunngorneq 26. april
- Piffik: København

Allannguuteqartoqarsinnaammat paasissutissat uani malinnaavigisinnaavasi:

<https://heleverdeniskole.dk/til-laereren/verden/vaer-med-i-aktionsugen/>



Naatsukullaliat suliassartai

NUKARLIIT

“Orpiit pikititsinerat” – Mette Vedsø

Oqaluttuaq tamaat isigalugu:

- Oqaluttuaq atuffassissutigineqassaaq imaalu sivikitsumik oqallisigalugu. Oqaluttuami qaqugukkut kingumut qiviarnera maluginiarsiuk.
- Oqaluttuaq ateqarpoq “Orpiit pikititsinerat”, soormita taama ateqarpa? Sunalu imaraa?
- Oqaluttuami sammisat qaqinneqartut allattarfissuarmut allattorsigit.

Oqaluttuap misissorluarnera:

- Inuttaq pingaarneq Qisunnguaq qanoq issusersiorsiuk/qanoq ittuunera oqallisigisiuk. Qisunnguaq pillugu annertunerusumik paasisaqarusukkussi ‘Qisunnguaq issiavimmu kissalaartumut ingitillugu’ apeqqarissaarfigisinnaavarsi,
- Assit qimerloorsigit oqallisigalugillu. Assit oqaluttuamut tulluarpat? Oqaluttuap assitaasa ilasaanik ataatsimik titartaagitsi.
- Ordkortilioritsi qulequtserlugu Qisunnguaq aamma Nerrivik. Assigiinngissutaat assigiiffiilu oqallisigisigit. Nerrivik aamma inuttatut pingaarnertut taaneqarsinnaavoq – sutigut nerrivik inuttamut pingaarnertut assersuunneqarsinnaava. Atuartut oqaluttuanik allanik inuunngitsunik inuttut piginnaaneqalersinneqartunik oqalussinnaasunillu nalunngisaqarpat.
- Oqaluttuami pisunik piviusumi pisinnaanngitsunik allattuigitsi.

Nerriviit orpippassuit annaakkusuppaat

- Nerriviit umiarsuarmik angalanerat oqaluttuarisiuk. Sumukarpat? Qanoq sivistigisumik angalassappat? Tikiffissaat qanoq issava/tikilluaqqusaassappat? Angalanerat tikinnerallu mobilimut immiullugu raadiumut ilanngutassiatut suliarisinnaavarsi.
- SkoleTubemi atortut ilaat ateqarpoq Book Creator. Nukarlernut atortussani ‘Banankagen’-imi allanik suliassanik annikitsunik peqarpoq, taakku aamma suliarineqarsinnaapput, uaniipput:
<https://heleverdeniskole.dk/til-laereren/verden/laeseraketten-i-book-creator/>

Qisunnguaq Pilulu tv-mi

Tusagassiortup paasivaa Qisunnguup Pilulu umiarsuup qisunnik assartuisimanera nalunngikkaat. Apeqqarissaarfigikkit mobilimut immiullugu.

- Atuartut eqimattani pingasukkaassapput – Qisunnguaq, Pilu tusagassiortorlu
- Ataatsimoorlusi tusagassiortup apeqqutissai tallimat suliarissavasi



- Apeqqarissaarneq immiussiuk. Inuttat pingasut paarlakaallusi 'inuttaaffigisinnaavasi'
- Immiussat ilai atuaqatissinnut takutissigit

“Orpiit pikititsinerat” nunallu anguniagaat 13 aamma 15

Nunat anguniagaat 15 nunami uumassusillit imarai – pinggortitap pisuussutaanik paarsilluarnissamut tunngasoq.

Nunat anguniagaat 15 pillugu allaatigisaq/ilanngutassiaq naatsoq atuarsinnaavarsi nittarkattami uani:
<https://heleverdeniskole.dk/til-eleven/bolivia/verdensmaal-15-livet-paa-land-i-bolivia/>

- Sooruna pinggortitap paarilluarnissaa taama pingaaruteqartigisoq?
- Pinggortitap paarilluarnissaanut peqqutinik pingaarnernik tallimanik nassaaritsi
- Imaassinnaavoq atuartut pitsaasunik siunnersuutissaqartut. Atuartut eqimattani marlukkaarlutik voxpopiliorsinnaapput atuartullu allat tallimat qanoq isumaqarnersut apersorlugit. Voxpopimi akissutigineqartut ilaat saqqummiussigit saqqummiutasilu atuaqatisilu eqqartorlugit.

Nunat anguniagaat 13 imaqarpoq silap pissusiata suliniuteqarfigineqarneranik. Ass. nunanut allanut qanoq sunniuteqassava kiattup orpippassuini orpiit killorneqarpata?

Nunat anguniagaat 13 pillugu allaatigisaq/ilanngutassiaq naatsoq atuarsinnaavarsi nittarkattami uani:
<https://heleverdeniskole.dk/til-eleven/bolivia/verdensmaal-13-klima-i-bolivia/>

Nunat anguniagaat 17-it tamaasa paasisaqarfiginerorusukkussigit uani nassaarisinnaavasi:
<https://heleverdeniskole.dk/verdensmaalene/>

“Motacúmik Bibosimillu oqaluttuaq” – Amazonasimi Boliviamiut oqaluttuatoqaataat

- Motacúpalmiit orpiillu bibosit qanoq isikkoqarnersut paasiniarsigit titartarlugillu.
- Oqaluttuatoqaq asanninnermik imaqarpoq. Qanoq asanninnermik imaqarnersoq nassuiaruk.
- Sooruna inuusuttut taakku marluk imminnut katissinnaanngitsut?

“Suna tamarmi sioraannangormat” Søren Jessenip oqaluttualiaa

- Oqaluttuaq atuffassissutigineqassaaq imaalu sivikitsumik oqallisigalugu. Oqaluttuami qanga pisut maannakkullu pisut oqaluttuap ingerlanerani suaniinnersut maluginiarsiuk.
- Oqaluttuaq ordkortit qulit atorlugit oqaluttuareqqiguk. Atuartut eqimattani ikittuarakkaarlutik imminnut oqaluttuareqqiiffigisinnaapput.
- Oqaluttuap “Suna tamarmi sioraannangormat” aterraa – Soormita taama ateqarpa? Atia tusarassiuk ilissi qanoq eqqarsarpisi?



Oqaluttuap misissorluarnera

- Inuttaq pingaarneq Oliver qanoq issusersiorsiuk/qanoq ittuunera oqallisigisiuk. Oqaluttuami inuttanut allanut qanoq attaveqarpa – ataataminut, anaanaminut, najaminut aamma ikinngutiminut Alfrederimut. Oqaluttuami assersuutinik nassaaritsi.
- Oqaluttuap assiliartai:
 - ✘ • Assit oqaluttuarisigit. Titartaariaaseq suna atorneqarsimava?
 - ✘ • Qupperneq 70-imi suup tamarmi sioraanngornerata allaaserineqarnera qalipagannortissiuq. Atuaqatigiinni oqaluttuap imarisaa eqqartorsinnaavarsi titartakkamut atorsinnaasassinnik.
- Oqaluttuap nunarsuup suatungaani qangalu pisimasuunersoq oqallisigisiuk aamma piffissami sorlermi/qanga pisimaasuutinneqarnerasoq (massakkut, qanga imaluunniit siunissami pisut).
- Oqaluttuami sioqqat initoorujussuupput. Oqaluttuami qanoq oqaatigineqarnerasut nassaarisigit.

Oqaluttuap isiginnaartitsissutigisiuk/tableauliarisiuk imaluunniit filmiliarisiuk:

(eqimattani suliarineqarsinnaapput taamaalillutik eqimattat tamarmik oqaluttuap ilai assigiinngitsut saqqummiussinnaavaat).

Oqaluttuap immikkoortui tallimat:

- 1: Oliver kuummi paqqernikumi issiavoq kingumullu qiviarluni pisimasut eqqarsaatigalugit.
- 2: Oliver ikinngutiginerpaasanilu Alfred FIFArput, Oliverilu kingusinaarluni angerlarluni.
- 3: Angerlartilluni anori, taaq sioqqallu malugisinnaavai.
- 4: Suna tamarmi sioraanngorsimavoq, ilaqutariit naqqup ataaniipput, Alfredikkormiut avannamut aallarsimapput.
- 5: Oliverip aanaava toqummat ilaqutariit avannamut aallarput.

Oqaluttuap nanginnera/naanera allassiuk:

- Alfred ilaqutaalu qanoq pisimappat? Oliver ilaqutaalu angalaneranni susoqarpa? Sioqqanit aniguippat?
- Oqaluttuap paasiniaarlulugu oqallisigisiuk. Sunaana atuakkiortup oqaluttualiamigut oqariatuugerusukkaa?

“Suna tamarmi sioraanngormat” aamma nunat anguniagaat 13

Nunat anguniagaat 13 silap pissusiata allanngoriartornerata nunarsuarmi tamarmi suliniuteqarfingineqarnissaanik imaqarpoq. Nunat anguniagaat 13 uani atuarsinnaavarsi, taanna qallunaatut allataavoq: <http://heleverdeniskole.dk/verdensmaalene/maal-13-klima-indsats/>



Silap pissusiata allanngoriartornerisa ilaatigut silap allanngorneri sakkortuut nassatarai:

- 'Silap allanngortarneri sakkortuut' assigiinngitsut allattorsigit
- Sioqqat silap pissusiata allanngorneranut sorlernut atassuteqarpat?
- Silap pissusiata allanngorneri sorliit nunatsinni tusarnikuuisigit?
- Qanoq iliorluta silap pissusiata allanngorneri unitsissinnaavagut?

Nunat anguniagaat pillugit paasisaqarnerorusukkussi uani nassaarisinnaavasi:

<http://heleverdeniskole.dk/verdensmaalene/>

Illampumik, Illimanimik, Huaynamik, Potosímik Mururatamillu oqaluttuaq – oqaluttuatoqaq Boliviami qaqqarsuarnit Andesineersoq.

- Nammineq oqaatsisi atorlugit oqaluttuaq oqaluttuareqqissiuk. Oqaluttuap suna imaraa? Atuaqatigiullusi oqaluttuatoqaq (myte) suunersoq oqallisigisiuk.
- Guuti Viracocha arlaannik pilersaaruteqarpoq. Qanoq ililluni Mururatap pilersaarut ajutoortippaa?
- Pillaatisiaa qanoq isumaqarfigaasiuk? Naapertuilluartumik pillarneqarpa? Sooq Aap imaluunniit naamik?
- Oqaluttuatoqqami atit ilaat nunap assingani imaluunniit internetimi nassaarisinnaavisigit?
- Soormitaava Mururatap niaqua innermik anitsisartunngortinneqarsimasoq?
- Oqaluttuatoqaq ullutsinni arlaannut atorineqarsinnaava? Aappeeruit, sumut?

Orpimmik Torochimik guutimillu Kolibrimik oqaluttuatoqaq

- Nammineq oqaatsisi atorlugit oqaluttuaq oqaluttuareqqissiuk. Oqaluttuap suna imaraa? Atuaqatigiullusi (myte) suunersoq oqallisigisiuk.
- Oqaluttuatoqqami taartup anersaavi inuillu aaqqiagiingissuteqarput. Suna aaqqiagiingissutigaa?
- Guuti Kolibri nuli Araverá ikiorpaa – qanoq iliorluni ikiorpaa aamma meeraq ilanngullugu annaassinnaavaa?
- Orpik Toborchi annaffigaat illersuutigalugu. Orpik taanna pillugu paasiniaagitsi. Orpik aamma ullumikkut arlaannut illersuutaasinnaava?
- Orpiup toborochip orpik baobatræ Afrikami sumiiffinni amerlasuuni naasartoq ilaqutaraa. Aamma orpik baoba pillugu oqaluttuatoqarpoq. Taassuma qallunaatuaa uani atuarsinnaavarsi: <https://heleverdeniskole.dk/burkina-faso/baobabtraet/>
- Orpiit taakku marluk assigiissutaat assigiinngissutaallu nassaarisigit.
- Oqaluttuatoqqami qanga pisoq maannakkullu pisoq atassuserneqakkajupput. Oqaluttuatoqqami uani tamanna qanoq piva?

Ilinniartitsisumut:

Oqaluttuatoqaq/myte suua?

Oqaluttuatoqaq/myte tassaavoq oqaluttuaq illernartoq. Suut tamarmik pileqqaarneranni pisutut oqaatigineqarsinnaasoq. Oqaluttuatoqqat oqaluttuarineqartarput inuunerup aallartinneranik nukinnullu nunarsuarmik aqutsisunut nassuiaatituunerusoq.



Nunarsuaq qanoq pinngortinneqarsimanersoq, inuit guutillu akornanni pissutsinut imaluunniit toqumut tunngasunik. Oqaluttuatoqqat aamma pingaartitanik imaqarput – inuit qanoq imminnut pissusilersorfigissanersut. Oqaluttuatoqqat oqaluttualiatut oqaluttuarineqakkajupput. Pivusorsiortuunissaat pisariaqanngilaq. Oqaluttuatoqqami angakkuagarpalaartunik naapertuupallaanngitsunillu pisoqartarpoq. Oqaluttuatoqqat pivusulersaarutaanngilaq.

Oqaluttuatoqqat oqaluttuaavoq ingasattajaartooq. Oqaluttuarpalaartutut iluseqarnerata kinguneraa ingattajaartumik pikkunartortaqarnera. Oqaluttuaavoq allanngortoqarneranik imaqartoq. Qanoq ililluni ullumikkut pissutsit taamatut ilersimanerannik imaluunniit qanoq ililluni allanngorsimanerannik imalik. Ass. oqaluttuatoqqani oqaluttuarineqarpoq guutit qanoq upperisat pillugit isertugaatit inunnut ilinniartitsissutigisimaneeraat, guutit qanoq pileqqaarnerani karrinik ikkussuisimanersut, imaluunniit inuiaqatigiit aaqqissuusaanerat qanoq aallartinneqarsimanersoq. Oqaluttuat suut qanoq ingerlanneqassanerannut ilusilersuisutut ipput. Oqaluttuatoqqat oqaluttuarinerisigut ullunnaat anersaallu imminnut atassuserneqartutut ittarput. Aamma oqartoqarsinnaavoq maanna pissutsit qangalu pissutsit imminnut atassusernerinut atuuffeqartut.

Oqaasersiaq myte (oqaluttuatoqqat) ullutsinni atorneqakkajuppoq oqaluttuamut ilumuunngitsumut taaguutitut. Uanili taanna pineqanngilaq.





AtuaRaketimi meeqqat allaatigineqartut pillugit suliassat – akulliit

JORGE LUIS

Jorge Luis 11-nik ukioqarpoq. Angajoqqaani nukkanilu najugaqatigalugit kiattup orpippassuini illoqarfimmi Buen Destini nomi najugaqarpoq. Ilaqutariit nunap inoqqaavinut taagutilinnut cavineño ilaapput. Illuat innaallagiaqaranilu imeqanngilaq. Jorge Luisip aalisarneq nuannareqaa. Piratfiskit mamareqigamigit taakkuninnga pisaqarusuttaqaaq.

Jorge Luis ilisaritiguk

Pappiara peqitillugu matusartagaq/folder atorlugu Jorge Luis oqaluttuariguk atuaqatinnullu saqqummersillugit. Kusanartumik sananeqarsinnaapput, issuagassaq ilanngunneqarpoq taallugu **Ilanngussaq 3**.

Jorge Luis aalisariartarpoq – aalisariarnermik oqaluttuarluni allaaserinninneq.

Jorge Luisip aalisarneq nuannareqaa, ataatani qatanngutinilu aalisariaqatigillattaasarpai. Kano atorlugu aalisariartarput qullugissallu neqitarisarlugit.

Atuartut namminneq aalisariarsimanertik pillugu oqaluttualiorsinnaapput imaluunniit Jorge Luis aalisariarnera oqaluttualiarisinnaavaat. Pissusilerissutit/nassuiaaniutit sapinngisamik amerlasuut atorlugit allaaserinnigitsi, taamaalilluni avatangiisit, nipit, nerisassat allallu oqaluttuamiittut takorlooruminarsissapput.

Allaaserisaat inaanni nivinngarneqarsinnaapput kusanartumik titartagartalerlugit. Atuartulli aamma sungiusariarlutik ilaminnut oqaluttuarisinnaavaat allasimasartik atuarnagu.

Jorge Luisip aalisagaatai – qalipakkat papmachéllu

Jorge Luisip oqaluttuarineqarnerani aalisakkat assigiinngitsut amerlasuut tusarpagut kiattup orpippassuini pisarineqarsinnaasut. Soorlu taaneqarput: piratfisk, pacu, paiche aamma suribi. Taakku qanoq isikkoqarnersut paasiniariarlugit kusanartunik qalipaasinnaavusi aamma/imaluunniit papmachénik aalisagaliorlusi.

Meeqqat aamma pisussaaffiit – oqallinneq

Jorge Luis angerlarsimaffimmi ikiuuttussaavoq. Imertartarpoq naatsiivilerisarlunilu. Aasaanerani atuangiffimmini angajoqqaani ilagalugit paranøddenik katersiartortarpoq.

Atuartut namminneq angerlarsimaffimmini pisussaaffitik allattussavaat:

- Pisussaaffiit/akisussaaffiit oqallisigisigit.



- Ullormut piffissaq qanoq sivisutigisoq suliassaminnut atortarpaat?
- Aningaasanik kaasarfimmiussaminnik pisarpat?
- Angerlarsimaffimmi suliassaqtarneq qanoq isumaqarfigaat?
- Atuartut Jorge Luisillu suliarisartagaat naleqqersuussigit – assigiinngiffii assigiiffiilu.

Jorge Luis ilaqutaasalu upperisaat

Jorge Luisikkut naggueqatigiinnut cavineñonut ilaapput – Boliviami nunap inoqqaavisa ilaat. Taakku pingortitamut atalluinnarlutik inuupput.

AtuaRaketimi qupp. 61-imi atuarsinnaavarsi: *“Jorge Luisip ataataa ilaanni orpippassuit ilorpasissuanut angalasarpoq. Nipiliortoqaraangalli uumasut nuannarineq ajorpaat. Ataataata oqaluttuaraa nipiliortoqaraangat pulateriaarsuit ersisaarisartut uumasut eqqissillutik orpippassuarniikkussuttuummata.”*

Tamanna qanoq paasisariaqarnerisq atuartullu oqallisigisiuk. Oqaaseq ‘animisme’ atuartunut nassuiaatigisinaavat. Atuartut namminneq inuit pingortitallu imminnut ataqtatigiinnerat qanoq eqqarsaatigisarpaat?

Nittartakkami Boliviami upperisalerineq upperisarluk pillugit paasisaqarnerusinnaavusi (qallunaatut allassimasut):

<https://heleverdeniskole.dk/til-eleven/bolivia/religion-i-bolivia/>
<https://heleverdeniskole.dk/til-eleven/bolivia/oprindelige-folks-ritualer/>
<https://heleverdeniskole.dk/til-eleven/bolivia/folk-og-kultur/>

Aamma ilissi illoqarfissinni oqaluffimmut pulaarsinnaavusi palasilu qulequtaq pillugu oqaloqatigalugu.

Uumassusiliineq/Animisme suua?

Animistip suut tamarmik uumassuseqartutut isigai – suut tamarmik tarneqartut. Imeq, orpiit, ujaqqat allallu pingortitamiittut namminneq nukimmik peqartut.

Naturreligionini/Upperisani pingortitamik aallaaveqartuni amerlanerni aamma siulit pingaartinneqaqaat. Siulit anersaavat attavigineqarsinnaasoq.

Nunarsuaq inuuffigisaq anersaallu silarsuaat qanittumik ataqtatigiittut. Oqaatsit suullu nukimmik angakkuakkatut pissaaneqartut.



DELIA CARLOSILU

Delia 15-inik Carlosilu 12-inik ukioqarput. Illoqarfimmi El Altomi immamiit 1000 m sinnerlugu qatsinnerusumi najugaqarput. Tamanna qatsissup silaannaanik silaannaqarpoq. Sungiusimannikkaanni qasulluni anersaartukulunnarsinnaalluni. Deliap Carlosillu angajoqqaatik qatanngutitillu arfineq-marluk najugaqatigaat. Ilaqutariit illoqarfimmi najugaqaraluarlutik sulii nunaannarmi narsaataateqarput naatsitsivigisartakkaminnik.

Deliap ullorsiutai

Delia ullorsiutiminut allattoq takorloorsiuk. Deliap inuunerani piffiit arlallit ullorsiutaanut allallusi oqaluttuarisigit. Atuartut takorloorsinnaavaat pisuni assigiinngitsuni qanoq eqqarsarsimanersoq misigisimasimanersorlu. Atuartut apequtit tulluuttut isumassarsiorfigisinnaavaat:

- Delia atuarfimmu allamut nuukkami qanoq eqqarsaateqarpa?
- Deliap nutaarsiassani machismo-kulturi pillugu tusagaqaraangami qanoq eqqarsartarpa?
- Deliap angajoqqaani qaammat ataaseq peqanngissallutik suliarthoraangata qanoq eqqarsartarpa?
- Delia kuummi paqqersimasumiikkaangami qanoq eqqarsartarpa?
- Deliap atuarfimmi suut ilikkarpai?

Nittartakkami assit filmillu isumassarsiorfigisinnaasasi uaniippu:

<https://heleverdeniskole.dk/til-eleven/bolivia/delia-og-carlos/>

Deliap allaqatigisartagaanut Canadamiutum allanneq

Delia Canadamioq allaqatigisarnikuuaa. Deliap nuannarisaaqaa allaqatigisarnikuusami nunarujussuani avannaaniittoq pillugu oqaluttuaraangat.

Atuartut takorluussavaat Deliaallutik allaqatigisartakkaminnut Canadamiittumut allallutik. Deliap kingullermik allannerminiit susoqarsimanersoq oqaluttuarisinnaavaa.

Allakkap qanoq allanneqarnera pingaaruteqarpoq:

- Kimut allagaava? Asasara ... imaluunniit Aluu...
- Sumiiffik aamma ulloq qulaani talerpia tungaani allanneqassaaq. Ass.: Nuuk ulloq 4. maj 2004
- Allattoq/Nassiussisooq: asannittumik/ikinngutinnersumik inuulluaqqusillunga – imaluunniit allatorujussuaq.

Atuartut aamma allakkap puussalorsinnaappu kusanartumik. Issuagassaq nittartakkami uaniippoq:

<https://heleverdeniskole.dk/til-laereren/bolivia/laervervejledning-og-opgaver-2022/>

Siunissamut takorluugaq

Carlos 12-inik ukioqarpoq 7. klassiullunilu. Ingeniørinngornissani takorloorpaa aqqusinniortunilu ikaartarfiliortalerniassagami. Naalagiarneq tussiarnarlu/erinarsornerlu nuannarisarigamigit aamma palasinngornissani takorloortarpaa. Carlosip ukiut 5-t imlt 10-t qaangiuppata qanoq



inuuneqassanersoq atuartut allaaserisinnaavaat imlt oqaluuserinnaavaat. Eqqarsaatigisinnaavarsi ukiut taakku qaangiuppata AtuaRaketimut Carlos pillugu allaaserinnissallusi.

Carlos qimmillu – uumasuutigisat pillugit suliassaq

Carlosip qimmitik nuannarisorujussuuai. Qimmit tamaasa paarisarpai – Chica piaraalu sisamat samminerusarpai.

Uumasooq pillugu saqqummiussassamik sanagit. Illit nammineq imaluunniit ilaquuttavit arlaata uumasuutigisinnaavaa. Saqqummiussassaaq ilaatigut makkuninnga imaqaassaaq:

- Assit titartakkalluunniit
- Uumasup allaaserinera
 - uumasunut sorlernut/art'inut sorlernut ilaava?
 - aamma uumasuutigineqarani pinngortitami nammineerluni uumasuaa?
 - nerisai
 - kinguaassiortarnera
- Qanoq paarineqartussaava?
- Uumasuutigisaaq ilinnut qanoq isumaqarpa?

Saqqummiussassaaq kisimiilluni eqimattaniluunniit mikisuni suliarineqarsinnaavoq. Plancheatut, atuagaaqqatut imlt computerikkut saqqummiussassatut suliarineqarsinnaavoq. Atuartut saqqummiussisinnaapput aamma/imlt suliatic saqqummersitaliarisinnaavaat.

Atuarfik pingaaruteqartuuvoq – atuaqatigiinni oqallinneq

Delia Carlosilu siunissamat takorluugaat annertupput. Taamaammallu taakkununga atuartuunissaq assut pingaaruteqarluni. Boliviami meeqqat tamarmik atuartuusarput. Kisianni amerlasuut meeqqat atuarfianniit ingerlariaqqinneq ajorput. Aamma meeqqat amerlasuut ilaquuttaminnut ikiuunniarlutik atuarfimmit anisarput, soorlu aamma Luis Alfredo – AtuaRaketimi allaaserineqartoq-taamaaliorsimasooq. Suli nunarsuarmi meeqqat 59 millionit atuartuungillat. Tamanna pillugu uani paasisaqarnerusinnaavusi:

<https://heleverdeniskole.dk/til-eleven/bolivia/uddannelse-er-en-menneskeret/>

Apeqqutit tulliuttut atuaqatigiinni oqallisigisigit:

- Sooruna atuarneq pingaaruteqartoq?
- Nunarsuarmi meeqqat ilaasa atuartuuneq ajornerat imaluunniit atuarfimmi ilikkagaqarpiarneq ajornerat qanoq isumaqarfigaasiuk?
- Meeqqat ilaasa atuartuuneq ajornerannut suut peqqutaasoraasigit?
- Ilissi atuartuungitsuugussi ulluinnarni sulerisassagaluarpisi?
- Ilinniagaqarnissap piginnaatitaaffiunera qanoq isumaqarpa? Nunarsuarmilu meeqqat 59 millionit atuartuunginnerat qanoq isumaqarfigaasiuk?



Nunat anguniagaat 4 imaqarpoq 2030 nallertinnagu nunarsuarmi meeqqat tamarmik atuarfimmi pitsaasumi atuartuussasut. Tamatumunnga tunngasut atuarsinnaavasi uani:

<https://heleverdeniskole.dk/til-eleven/bolivia/verdensmaal-4-uddannelse-i-bolivia/>

aamma uani:

<https://heleverdeniskole.dk/til-eleven/verdensmaalene/maal-4-kvalitetsuddannelse/bolivia/>

Atuaqatigiinni oqallisigisiuk ilinniartitaaneq pitsaasoq qanoq paasisariaqarnersoq. Atuaqatigiit atuarfik pitsaasoq qanoq paasinerlugu brainstormersinnaapput 'mind map'-ilu atorlugu. Ilinniartitsisunut atuartunullu tamanna qanoq 'piumasaqaateqarpa'? Atuartut aamma oqallisigisinnaavaat atuarfiup suut pitsaaqutiginerai suullu pitsanngortinneqarsinnaanersut. Atuartut oqallisigisat pingaarnersiorlugit allattussavaat, aammalu atuarfik pitsaasoq qanoq ittuussanersoq listiliorlutik allattuisinnaapput.

Naatsiat quinoallu atorlugit suppiliaq

Deliap Carlosillu angajoqqaavi nunaminermik pigisaqarput naatsiaanik naatsitsivigisartakkaminnik.

Ilaqutariit naatsiatullattaasarput. Nittartakkami naatsiat quinoallu atorlugit suppiliornissamut najoqqutassaqqarpoq uani: <https://heleverdeniskole.dk/til-eleven/bolivia/lav-mad-fra-bolivia/>

Aamma suppmut atugassanik cuñapéliorsinnaavusi allanilluunniit boliviamiut nerisassiarisartagaannik allanik misiliisinnaavusi.

LUIS ALFREDO

Luis Alfredo 11-nik ukioqarpoq illoqarfimmilu Riberaltami najugaqarluni. Illoqarfik kiattup orpippassuisa qeqqanniikkaluarluni illoqarfiuvoq angisooq. Luis Alfredop angajoqqaani, najani angajunilu marluk najugaqatigai. Ilaqutariit illoqarfiup piitsoqarfiani najugaqarput. Luis Alfredop arnaa napparsimalermat nakorsiantariaqalerlunilu tassunga nuuttariaqarsimapput. Qujanartumik peqqissinikuuvoq. Luis Alfredop atuarfik, atuarneq titartaanerlu nuannarisorujussuai.

Luis Alfredo pillugu saqqummiineq

Atuartut Luis Alfredo pillugu oqalugiaateeranngumik saqqummiussassamik piareersaassapput

- Atuartut oqaatsit stikordit qulit allassavaat assillu 5-6 toqqarlugit.
- Atuartut saqqummiussassartik/oqalugiaatissartik sungiusassavaat atuaqatiminnullu imaluunniit eqimattanut saqqummiullugu.

Atuakkamik nuannarinerpaasamik ilisarititsineq

Luis Alfredop atuakkat nuannareqai. Atuartut atuakkat nuannarisaat pillugit oqaloqatigikkit. Atuakkat nuannarisaasa suna immikkuullarequtigaat?



Atuartut atuagaq nuannarisartik saqqummiussinnaavaat pappiara peqititaq/folder atorlugu, taannalu atuagatiminnut imaluunniit atuariup atuakkanik atorniartarfianut saqqummersillugu. Atuakkamik ilisarititsinissamut pappiara isui peqitillugit matusartakkamut ilitsersuut ilanngunneqarpoq taallugu **Ilanngussaq 4.**

Luis Alfredop atuarunnaaraluarnera – meeqqat piginnaatitaaffii pillugit paasisaqarit

Luis Alfredop arnaa napparsimalermat nakorsiartariaqalerlunilu Luis Alfredo atuarunnaarallartariaqalerpoq ilaqtutaminut ikiuunniarluni. Qujanartumik atualeqqippoq – nunarsuarmili meeqqat amerlasuut sulii atuartuungillat. Luis Alfredo pillugu uani paasisaqarnerusinnaavusi:

<https://heleverdeniskole.dk/til-eleven/bolivia/da-luis-alfredo-maatte-gaa-ud-af-skolen/>

Børnekonventioni FN-imit 1989-mi suliarineqarpoq meeqqat nunarsuarmi tamarmi illersorneqarnerisa ukkatarineqalersinniarlugu. Børnekonventionimi immikkoortut suliiassartaalu qallunaatoortut uani nassaarisinnaavasi:

<https://heleverdeniskole.dk/til-laereren/bolivia/laerervejledning-og-opgaver-2022/>

Aamma ilinniartitaanerup inuup piginnaatitaaffigigaa pillugu atuagaqarsinnaavusi uani – qallunaatuujuvoq:

<https://heleverdeniskole.dk/til-eleven/bolivia/uddannelse-er-en-menneskeret/>



Jorge Luisimik/inummik ilisarititsinermi pappiara isui peqitillugit matusartuliornermi issuagassaq ilaavoq taallugu

<p>Matup affaa</p> <p>Matup affaata atuagaq ilisaritissavaa atuagaq kajungernarsitillugu</p>	<p>Tunua</p> <p>Tunuani atuakkap allatap ilamerna takutinneqassaaq, Issuaanerusinnaavoq – citat, pissanganarsiffia imaluunniit Issuaaniangikkuit – citatiliorniingikkuit uani titartaasinnaavutit.</p>	<p>Matup affaa</p> <p>Matup affaani oqaluttuami inuttaq pingaarneq ilisaritinneqassaaq</p>	
<p>Uani oqaluttuami oqariartuutit/pisut pingaarutillit sisamat oqaluttuarineqassapput – allatat titartakkallu</p> <p>Toqqarsinnaavasi: Inuttat Pissuserisat/Uumasut Akerleriit Pisut eqqumiitsut Ajornartoorutit aaqqittariaqartut Inuunermik isiginnittaatsit Allat</p>			

Matup affaa

Matup affaata atuagaq
ilisaritissavaa atuagaq
kajungernarsitillugu

Tunua

Tunuani atuakkap allatap ilamerna
takutinneqassaaq.
Issuaanerusinnaavoq – citat,
pissanganarsiffia imaluunniit
Issuaaniangikkuit – citatiliorniangukkuit
uani titartaasinnaavutit.

Matup affaa

Matup affaani oqaluttuami
inuttag pingaarneq
ilisaritinneqassaaq

Uani oqaluttuami oqariartuutit/pisut pingaarutillit sisamat oqaluttuarineqassapput – allatat titartakkallu

Toqqarsinnaavasi:

Inuttat

Pissuserisat/Uumasut

Akerleriit

Pisut eqqumiitsut

Ajornartoorutit aqqittariaqartut

Inuunermik isiginnittaatsit

Allat



Atuakkamik naliliinermi folderiliornermut issuagassaq

Una iluseq atuakkamik oqaluttuamilluunniit ilisarititsinissamut siunnersuutaavoq.

Iluseq assilisassaavoq anillatsitassaq (print) assimilu takutinneqartutut peqititassaq.

Atuartut suliassartik kartonimut sanassavaat assinganillu peqiterlugu.

Kartonit peqiternikut saqqummersitaliaralugit isigiuminartuusarput.

